

ոչ եւս համարձակեցան Յոյնք բռնադատել զորք, եւ ինքեանք իսկ քայքայեալք 'ի Տաճկաց եղեն իրրեւ զմեզ տառապեալք: Եւ ապա որք մնացեալ էին յերուսաղէմ 'ի Հայոց՝ գտին զհանգիստ. նաեւ Ասորիք և Եգիպտացիք:

Իսկ յետոյ 'ի ծանրութենէ տաճկական հարկացն նեղեալք, և վասն աւերանացն երկրին Հայոց, զի ոչ բերէին զտուրս գիւղօրէիցն՝ զոր պարգեւեալ էին թագաւորքն և իշխանքն Հայոց, վասն որոյ և նոցա չկարացեալ համբերել՝ թողին զտեղիս իւրեանց, եւ հնգետասան վանք միայն մնաց 'ի ձեռս Հայոց. ոմանք 'ի լեառն Զիթենեաց, այլք մերձ 'ի Բեթլէհէմ, և այլք յեզր գետոյն Յորդանանու, նա եւ 'ի լեառն Փորձութեան, եւ յանապատ Փրիչին, և 'ի լեառն Թափօրական, և 'ի Հերմօն հանդէպ Թափօրայ. եւ յեզր Տիրեբական ծովուն, եւ անդ՝ ուր Բրիստոս գեօթն նկանակսն ետ հինգ հազարացն:

Յայսոսիկ տեղիս մնացին բազմութիւն կրօնաւորացն Հայոց:

Զայս Պատմութիւն գտաք 'ի Գաղատիոյ Ս. Լուսաւորիչ եկեղեցին, եւ անտի օրինակեալ գրեցաք 'ի ծանօթութիւն և 'ի տեղեկութիւն ազգիս Հայոց:

Մակարիոս Յոյն Պատրիարք Անտիօքայ 'ի գիրս Մեղուանոց կոչեցեալ. Եբե. 228 ասէ, « Գլխաւորք եկեղեցականացն Հայոց եւ Ասորոց 'ի Կիլիկեա, 'ի Միջագետս և 'ի Հայաստան՝ խօսէին զլեզու Հայոց և Ասորոց, և գիտէին զդպրութիւն երկուց ազգաց, ուսանէին նաեւ Յունարէն սակս փիճաբանութեան: Սոքա բաժանեցան յընդհանուր եկեղեցւոյ զինի չորրորդ ժողովոյն (Քաղկեդոնի), և մի մասն Հայոց ոչ միաբանեցան ընդ նոսա 'ի հաւատս, ասել մի բնութիւն եւ մի կամք 'ի Բրիստոս, և ոչ բաժանեցան յեկեղեցւոյ, որ և կոչէին 'ի նոցանէ Մայթ. բայց յեկեղեցական գիրս ուղղափառք ճանաչեն. և հաստատէ զայս անապատականն Նիքոն վանահայր Սիմօնի սքանչելագործի վանաց 'ի թուղթս իւր առ Պատրիարքն և առ վանահայրս Երուսաղէմի, թէ նոքա ուղղափառք են, և հրամայէ հաղորդիլ ընդ նոսա 'ի հոգեւորս. զի Պատրիարքունք Անտիօքայ և գլխաւոր եկեղեցականք հաղորդէին ընդ նոսա: Եւ թէ բազումք էին 'ի